

Apertura exposicion “Rondom Oranje” na Cas di Aruba

DEN HAAG – Na Cas di Aruba a tuma lugar apertura di un exposicion bou di e nomber “Rondom Oranje”. E exposicion aki cu tin como tema Reino y Cas Real, ta consisti di obranan di ocho artistanan for di tur paisnan di Reino Hulandes.

E programa a cuminsa cu palabranan di bon bini dor di sr. Angelo Tromp, cultureel attaché di Cas di Aruba. Sr. Tromp a cuminsa na despena

Minister Plenipotenciario sr. Edwin Abath kende no tabata por ta presente relaciona cu motibonan familiar.

Sr. Tromp a bisa cu “Rondom Oranje” ta un exposicion cu ya caba a haci su recorido na diferente ciudadnan na Hulanda. Tambe sr. Tromp a remarca cu e exposicion ta consisti di obranan di diferente disciplina. Finalmente sr. Tromp a bisa cu Cas di Aruba ta contento di por a

brinda e localidad pa e exposicion aki y cu semper Cas di Aruba ta na disposicion di artistanan Arubiano cu lo ta desea di tene un exposicion di nan obranan. E exposicion “Rondom Oranje” ta un iniciativa di Art Promotion International (API). Sr. Gustave Nouel – un di e artistanan cu ta parti di “Rondom Oranje” cu su cuadrnan – a lesa e discurso di presidente di API sr. Toin Wieringa, cu ta sufriendo un kebrante di salud. Den su discurso sr. Wieringa ta bisa cu “Rondom Oranje” a escohe pa un tema mas amplio cu Famia Real y asina visualisa e aspectonan di e comunidad multi cultural. Tambe sr. Wieringa a bisa cu ta e aspiracion di API pa e exposicion por wordo mira dor di habitantenan di otro paisnan den Reino; cu Marina Real a ofrece pa transporta e obranan gratuitamente. E la bisa di ta spera cu API por ricibi



cooperacion di e paisnan pa localidad pa tene e expoiscion. Despues di e apertura di e exposicion e artistanan tabata disponibel pa duna e publico interesa splicacion tocante di nan obra di arte. E grupo di artistanan cu ta parti di “Rondom Oranje ta Jabu Arnell, artista plastico (St. Maarten/Amsterdam); Bikkel, artista plastico (Cura-

çao/Rotterdam); Fokke P. de Boer, fotografia (Apeldoorn); Ewoud Broeksma, fotografia (Groningen); Armando Goedgedrag, arte digital y pintura (Aruba/Breda); Jannes Koetsier, pintor (Groningen); Jan Kruize, fotografia (Groningen); & Gustave Nouel, pintor (Aruba/Deventer). Potretnan ta cortesía di Sr. Nico van der Ven. □